

**Accion
sorprendente
a produci
hopi droga y
tambe arma di
candela**

Koninkrijks Toernooi

**Team di Aruba a logra di dos
lugar den torneo na Corsou**



ORANJESTAD (AAN): Den fin di siman, e team di futbol di hobennan di Aruba a regresa Aruba, despues di a participa y obtene e di Segundo Lugar, den e torneo yama 'Koninkrijks Toernooi', cu a ser teni na Corsou. Esaki ta un torneo organiza hunto cu Fundacion Rise Above Barriers na e isla. Aruba su balente hobennan futbolista, a representa nan isla cu un team fuerte, y e.o. a logra gana e seleccion di Hulanda cu score di 3-0.

Aruba pues a keda cu frenta na laira na di dos lugar, y a yega bek Aruba orguyoso cu nan trofeo y medayanan ricibi. Palabranan di pabien na tur e hobennan aki cu ta dedica na deporte sano y hisa e bandera di Aruba den exterior!

Ministro Geoffrey Wever cu deseo pa bin cu garashi grandi di parkeo

Exitoso Open Dag di Marinierskazerne na Savaneta



ORANJESTAD (AAN): Un biaha mas, Marinierskazerne Savaneta a luci na forma magistral cu nan tradicional 'Open Dag' riba Dia di Obreiro. Tur hende, incluyendo muchanan a haya tur aspecto militar pa mira, y tambe observa e operacion di Wardacosta di Caribe Hulandes.

Por a bay core riba trucknan militar, esnan yama 'Anaconda', tambe core riba Super Rhib di Wardacosta, y coremento door di obstaculonan pa muchanan. Rij largo di hende pa subi e cutter Panter di Wardacosta. A mira Bomberonan tambe



ta haci demostracion di nan habilidad, y di nan vehiculonan, entre otro nan Hoogwerker.

Tabatin vlooiemarkt, area di autonan clasico, demostracion di tur tipo, y tambe cuminda na benta. Publico a descubri un fenomenal Beach Bar tambe cu tabata bon comenta.

Razzia na Sero Biento

Accion sorprendente a produci hopi droga y tambe arma di candela

• Den e accion tambe tres persona a keda deteni



ORANJESTAD (AAN): Sin duda alguno, danki na e trabao di oficialnan hudicial 'bakia' di e departamento 'Unit Narcotica' di Cuerpo Policial di Aruba, ta sigui logra pa tene accionnan exitoso, unda nan ta sigui dal golpi duro na e baho mundo di droga, e baho mundo di sigui distribui droga cu ta destrui mente di comunidad.

Vocero di Polis a confirma na DIARIO, cu riba Diahuebs 30 di April 2026, danki na pruebanan cu a bin ta acumulando via di investigacionnan riguroso, cu apoyo di informacion drentando via Tipline di Polis, a haya luz berde di Fiscal y Ministerio Publico

pa tene un razzia na un cas na Sero Biento.

E momento ey hunto cu demas unidadnan policial, incluyendo K9 Unit, e oficialnan hudicial di Unit Narcotica a yega di sorpresa na e adres.

Aki mesora a haci un control completo den e cas, bao supervision di Ministerio Publico cu a documenta tur cos. Na e cas a bin haya 3 persona masculino, di cual dos ta naci na Aruba, y uno ta naci na Colombia.

Tur tipo di droga: Ora cu a bay lista den e cas, e oficialnan di Unit Narcotica a canta 'bingo', debi cu a bin haya monoton di droga, di tur clase! Ta comosifuera cu ta un centro



di distribucion "all inclusive" di tur droga tin eynan.

Vocero di Polis a describi e droga como "un cantidad considerable", y a muestra cu a bin haya monoton di Cocaína, cantidad di Marihuana, hopi Ecstasy ('XTC'), y tambe puiro di Tusi (*conoci como 'pink cocaine'*) cu ta un droga sintetico.

Ademas di e diversidad di droga aki, e oficialnan di Unit

Narcotica a topa y confisca un arma di candela. Aki a laga personal forensico di BFTO tuma e arma, pa asina haci test cu ne pa mira si acaso el a wordo uza den cualkier tipo di crimen riba e isla.

Vocero Policial a confirma na DIARIO tambe cu nan a bin haya den e cas aki, un suma grandi di placa cash. Esaki tambe awor a wordo confisca, bao vigilancia di Ministerio

Publico.

Departamento di Unit Narcotica a demostra cu nan ta riba un trend! Nan ta sigui traha incansabelmente pa combati benta di droga y pa mantene un Aruba sigur.

Cuerpo Policial Aruba ta recorda comunidad cu si bo sa algo of a presencia algo sospechoso yama e Tipline di Polis na 111-41. Bo anonimidad ta keda garantisa.



LIMITED TIME ONLY

BUY 2
GET 1 FREE*

PANDORA

ORANJESTAD
L.G. SMITH BLVD 17
(297) 587 7060

AVAILABLE AT
BOOLCHAND'S
HAVENSTRAAT 25
(297) 583 0147

PASEO HERENCIA
J.E. IRAUSQUIN BLVD. 382A
(297) 280 5625

WWW.BOOLCHAND.COM/PANDORA

Offer valid 4/29/2026 - 5/12/2026 online at pandora.net and at participating Pandora retailers. Buy (2) jewelry items, get 1 item free of equal or lesser value to least expensive jewelry item purchased. Free item excludes 14k gold, Pandora Lab-Grown Diamonds, Pandora and Bridgerton, and Pandora Talismans; Promotion entirely excludes Pandora Cares protection plans, engraving fees, the purchase of gift cards and other non-jewelry items. Limit (3) free items per transaction. Cannot be combined with other offers, coupons or discounts. Not valid with prior purchases. Void where prohibited. Product not for resale. © 2026 Pandora Jewelry, LLC

Ministro Geoffrey Wever papiando di deseo pa bin cu garashi grandi di parkeo

ORANJESTAD (AAN): Diahuebs siman pasa, Ministro Geoffrey Wever den oficina di Gobierno a reuni cu e accionistanan di Renobacion Aruba N.V..

Esaki ta un compania di cual Gobierno di Aruba ta accionista hunto cu diferente banconan y companianan di seguro y algun inversionistanan local cu tin como meta pa traha riba proyectonan necesario pa revitalisacion di centro di ciudad.

Den e reunion, nan a discuti e deseo di Gobierno di Aruba pa construi un garashi grandi di parkeo den centro di Oranjestad. Otro proyecto importante pa revitalisacion di Oranjestad na caminda.



Parlamentario di Fraccion di MEP Endy Croes:

Un biaha mas Minister Gerlien Croes ta gaña pueblo

•Lo no spaar 800 miyon Florin pero 8 miyon Florin pa aña riba e prestamo di Covid



ORANJESTAD (AAN): Parlamentario di Fraccion di MEP, Endy Croes a splica cu recientemente Gobierno di Aruba a duna un splicacion den Parlamento den un comision porta cera, riba e tema di 'rente besparing'. El a enfatisa cu desde 29 di augustus ultimo, discusionnan a cuminsa despues cu Gobierno a anuncia cu Consejo di Ministro di Reino, e mainta ey a trata e ley di HOFA.

Rijkswet HOFA, e parlamentario a bisa, ta e ley cu Gobierno AVP - Futuro, Prome Minister Eman, Minister Geoffrey Wever y Minister Gerlien Croes a firma pa entrega nos autonomia financiero den man den Hulanda, mencionando cu e ta un hybrid. Esaki el a splica, cu den e ley di Reino cu a wordo trata na Hulanda, tin un otro landsverorden-

ing cu lo mester wordo trata den Parlamento. E dos leynan aki ta hunto y unabes cu aproba un den Parlamento, por considera cu Aruba a entrega su autonomia

Parlamentario Croes a expresa cu Gabinete Eman a haci esaki tras di lomba di Parlamento, sin informa Parlamento y a splica cu desde augustus 2025, e gobierno a bende esaki informando cu lo spaar masha hopi placa riba interes.

Segun informacion cu e parlamentario a presenta, dia 17 di maart ultimo, den porta di Himno y Bandera, Minister Gerlien Croes, kende segun e parlamentario, ta esun cu ta pusha e agenda pa entrega nos autonomia, a expresa cu Aruba tin un himno, un bandera y nos Parlamento pa trata presupuesto. E minister

e tempo ey, hungando politica, a enfatisa tambe cu niun hende por kita esakinan di nos. Den mesun palabranan expresa door di Minister Gerlien Croes, e ta bisa cu "boso miedo ta pa Aruba haya 800 miyon Florin".

Segun e parlamentario, Minister Croes ta hungando politica y un biaha mas ta gar'e ta gaña mescos el a gaña Parlamento tocante su via e jet priva. "Esaki ta e di dos gañamento literalmente di Minister Gerlien Croes pasobra su colega Minister Geoffrey Wever a splica den reunion publico den Parlamento, cu ta e prome biaha cu Gobierno ta haya informacion di cuanto placa Aruba lo spaar aparentemente ora cu entrega autonomia bek na Hulanda.

El a agrega cu e den e reportnan cu nan a musta, Minister Wever a splica cu tres organizacion entre otro BZK, Directie Financien y CAft a haci calculacionnan separa riba e prestamo di Covid di 916 miyon Florin, den e trayecto di 20 aña, Aruba lo spaar 128 miyon Florin. "Ora cu calcula esaki den e añanan cu ya a paga, y kita esaki, e ta

bira 8 miyon Florin pa aña. Y no 800 miyon Florin pa aña, manera Minister Gerlien y Geoffrey y Prome Minister

Eman na cuminsamento a gaña nos pueblo", Parlamentario Endy Croes a duna di conoce.

Setar ta sigui sostene e orguyo di Aruba Compromiso ta sigui cu deportista Sarah-Quita Offringa



ORANJESTAD (AAN): Siman pasa, DIARIO a tuma nota cu e compania Setar NV na un forma orguyoso ta reafirma su compromiso cu Sarah-Quita Offringa.

Setar NV a anuncia di ta continua cu su aporte na Sarah-Quita Offringa, un campeon cu tin 28 titulo mundial bao su nomber.

No ta secreto, cu Sarah-Quita ta un persona kende semper a carga Aruba su nomber unda cu el a competi y ta un inspiracion pa nos tur, principalmente hobennan di e isla.

Setar ta conecta bo cu loke ta importante, y nan ta convenci cu e gran yiu di tera Sarah-Quita ta importante pa nos tur.

Ministro Geoffrey Wever:

Nombramento di Michel Janssen den Raad van Commissarissen di Aruba Agri Development Company

- *Marcando paso concreto den implementacion di Corporate Governance*
- *Tambe fortalecimiento institucional di sector primario*

ORANJESTAD (AAN): Gobierno di Aruba, bou di liderazgo di Minister di Finansa, Asunto Economico y Sector Primario, Geoffrey B. Wever, a formalisa e nombramento di señor Michel Janssen como miembro di Raad van Commissarissen (RvC) di Aruba Agri Development Company N.V. (AADC).

Enombramento aki ta un paso concreto den implementacion di e principio di Bon Gobernacion y Corporate Governance, conforme cu lo cual a ser stipula den Programa di Gobernacion AVP-Futuro 2025–2028, den cual fortalecimiento di sector publico y gobernacion responsabel ta ocupa un posicion central den e maneho di gobierno.

E proceso cu a culmina den e nombramento aki a sigui un trayectoria structura y

transparente. Na september 2025 a aproba e profielschets oficial pa un miembro di RvC di AADC, adelantando riba implementacion formal di eCodigo di Corporate Governance y conforme cu e deelenmengenbeleid di Aruba.

Basa riba e profielschets aproba, e vacatura a wordo publica den media local, resultando den 23 aplicacion di profesionalnan cu diferente background. E Implementatieteam Corporate Governance a haci un evaluacion independiente, culminando den un recomendacion formal di tres candidato.

Despues di evaluacion cuidadoso y tumando na cuenta e necesidad strategico di AADC, e nombramento di Michel Janssen a wordo formalisa.

“Bon Gobernacion no

ta un concepto abstracto. E ta un compromiso concreto cu transparencia, profesionalismo y responsabilidad. E proceso cu a conduci na e nombramento di Sr. Janssen ta un ehempel claro di con Gobierno ta aplica principio di Corporate Governance den practica,” Minister Wever a remarca.

AADC, estableci na maart 2024, ta un instrumento clave pa stimula di sector primario, incluyendo e desaroyo di un Agrifund, fortalecimiento di iniciativa empresarial agricola y e creacion di un Agri Innovation Park.

Cu e nombramento di Sr. Janssen, Gobierno ta consolida e structura di supervision di e compania, garantizando cu e RvC tin e capacidad financiero y strategico necesario pa guia e desaroyo duradero di AADC.

Sr. Michel Janssen tin un



MBA y tin amplio experiencia den finansa riba nivel senior trahando desde 2024 como Division Manager Finance na WEB Aruba N.V. Prome cu esaki, Sr. Janssen a funciona como Hoofd Financial Planning & Analysis. Su formacion y experiencia local y internacional ta cumpli cu tur e rekisitonan pa e funcion di miembro di Raad van Commissarissen di AADC.

“Nos sector primario ta un prioridad nacional. Pa logra crecimiento duradero y diversificacion economico, nos mester structura institucional fuerte.

Cu e nombramento di Sr. Janssen, nos ta fortalece no solamente un persona den un puesto, sino nos ta fortalece e maneho di un instrumento fundamental pa futuro economico di Aruba.”

E nombramento di Sr. Janssen tambe ta marca un paso significativo den profesionalisacion continuo di empresanan estatal. Door di aplica un profielschets formal, evaluacion independiente y seleccion basa riba merito, Gobierno ta manda un señal claro di estabilidad, transparencia y responsabilidad institucional.

Gobierno ta reafirma su compromiso cu implementacion di Codigo di Corporate Governance den tur empresanan publico. E meta ta pa crea un sector publico cu ta resiliente, profesional y enfoca riba resultado concreto pa beneficio pa tur ciudadano.

Henter e siman aki Departamento Asuntonan Economico ta mudando pa Cas Veneranda



ORANJESTAD (AAN): Manera a wordo anuncia di antemano, ora cu e edificio iconico ‘Cas Veneranda’ keda cla cu renobacion den Wilhelminastraat, e lo bay ta e lugar unda Departamento di Asuntonan Economico lo bay funciona aden, como tambe un restaurant.

Esey ta e motibo pakico henter e Departamento aki cu ta situa den prome piso di Sun Plaza Mall, lo muda awor desde 4 di Mei te cu 8 di Mei 2026 na e adres nobo den Wilhelminastraat 7.

Di e forma ey, e Departamento lo habri bek pa publico riba Dialuna 11

di Mei 2026. Di awor caba nan ta ofrece nan disculpa pa cualkier inconveniencia. Hopi empleado ta contento cu ta bayendo pa un edificio completamente renoba, aunke algun ya ta pensando riba e pesadiya di haya lugar pa staciona auto.



Cura Cancer

Tratamento natural extra ordinario pa re-activa e systema inmunologo

Elimina toxinan for di curpa asina e curpa por sana!.

Administra un super dosis di enzimas, mineral i nutricion.

Curpa ta cambia di ACIDES pa ALKINO.

EVALUACION PROME PA DETERMINA SI POR TUMA E TRATAMENTO!



Aruba Healing Center
Reconnect. Heal. Thrive.

Caya Frère Arnold 14
+ 297-7437460

www.restorativehealingcenteraruba.com

Candela di yerba a hasta cuminza kima container na entrada di Wayaca Residence



ORANJESTAD (AAN): Diasabra mainta cu urgencia Centro di Alarma a dirigi un unidad di Brandweer net pabao di e centro comercial di Wayaca Falls, otro banda di Central di Ambulans y Picanha Churrascaria Aruba. Esey ta debi cu un pida grandi di yerba a kima, y despues esaki a cuminza kima e parti exterior y posiblemente

tambe interior di un container di 40 pia cu tin poni eyan.

Ora cu e unidad di Bombero a yega, mesora nan a drenta den accion pa domina e candela, y tambe paga parti di e container cu tambe tabata kimando e momento ey. Asina a logra stop e progreso di e candela, y nan a kibra e candal y habri e

portanan tambe pa check e parti paden.

Yerbanan rond di Aruba ta seco e dianan aki, y kizas cualkier obheto cayente, manera muffler di auto, of kizas un cabito di cigar a cay riba e yerba pa start e candela. No ta conoci na kende e container riba e tereno ey ta pertenece, ni tampoco kico tin eyden.



Fayecimento di conocido Albert Lacle kende tabata innovador di bende Lotto riba caya



VHF-Radio antenna riba un helm tipo 'hard-hat', canando cu un bateria recargabel grandi colga na su schouder un banda, y otro banda e aparatonan di comunicacion cu Lotto.

Y asina e tabata cana tur caminda, incluyendo e rutan di Parada di Carnaval na Playa ta bende su

ORANJESTAD (AAN): Den fin di siman a drenta e informacion tristo, cu e conocido comerciante Albert Mario Reginald Lacle a fayece despues di un lucha contra maleza. Albert tin 73 aña di edad.

Hopi hende conoce Albert como e bendedor ambulante di Lotto pa Deporte riba cayan, principalmente na Oranjestad. E tabata bende hasta ticketnan loco, pa asina comunidad tin acceso mas facil pa e sorteonan aki.

Ora cu Lotto pa Deporte a transforma su sistema online, tabata Albert hunto cu su ru-man tecnico ingenioso, cu a desaroya un sistema cu e por cana rond y bende ticket online. E tempo ey no tabata existi mobile-data ainda di smartphone. El a bin cu un sistema poniendo un

Lotto 5. Anto di leu bo ta tende ta canta "Lotto, Lotto". El a bira e innovador di Lotto wireless.

Tambe e tabata staciona su van den e tempo ey Fergusonstraat (awor Avenida Milio Croes), cu su sistema wireless ta bende Lotto, y bo no mester ni baha di bo auto. Djis para den rij y cumpra. Tin biaha e tabata bende ticket online hasta na porta di cas.

Su famianan a describi Albert como un homber balente, ehemplar, y sa cu tin di siña traha, ta innovador, pa asina yega na bo cosnan. Albert ta yiu homber di conocido Mario, kende tabatin antes Mai Store como tambe Mai Ice Factory. Na famianan, DIARIO ta extende su mas profundo palabra di condolencia. Entiero lo bay ta Diaranson mainta.

ASISTENTE MECANICO

ABC Tours Aruba ta en busca di un persona practico pa asisti cu mantenimiento y servicio di Jeep/UTV.

- Experiencia practico
- Conosimento di hermentnan basico
- Ta dispuesto pa siña
- Trabou fisico
- Rijbewijs ta un plus



ULTIMO DIA PA APPLICA TA:
31 DI Mei 2026



SI BO TA INTERESA MANDA
BO CV:
heart@abcaruba.com



ASSISTANT MECHANIC

- Practical experience
- Basic tool knowledge
- Willingness to learn
- Physical work
- Driver's license is a plus

ABC Tours Aruba is looking for a hands-on assistant mechanic for maintenance and Jeep/UTV support.



DEADLINE TO APPLY:
MAY 31, 2026



IF INTERESTED PLEASE
SEND CV TO:
heart@abcaruba.com



ASISTENTE DE MECÁNICO

- Experiencia práctica
- Conocimientos básicos de herramientas
- Ganas de aprender
- Trabajo físico
- Licencia de conducir es un plus

ABC Tours Aruba esta en busca de un asistente práctico para mantenimiento y apoyo en Jeep/UTV.



PLAZO:
31 DE MAYO DE 2026



PUEDES ENVIAR TU CV A:
heart@abcaruba.com

Dangui Oduber:

Aumento di prijs afectando pueblo grandemente na Aruba

• *Bestaansminimum a bolbe conoce un aumento*



ORANJESTAD (AAN): E costo di bida na Aruba ta keda subi y tin sla di prijs tur caminda. Parlaemntario Dangui Oduber a señala cu net e gobierno cu a priminti di baha e costo di bida y mehora e poder di compra, ta haciendo exactamente lo contrario. Aumento sin piedad: Aki Parlamentario Oduber ta referi na e costo di bida na Aruba. El a señala cu desde cu e gobierno aki a cuminisa goberna, costo di bida ta subiendo tur luna, luna tras di luna. E cifranan di Central Bureau Statistiek (CBS) no ta gaña: e bestaansminimum ta subi cada bes cu e wordo midi. E indicador aki ta representa e entrada minimo necesario pa un individuo of hogar por funciona dignamente den nos sociedad. E ta ser calcula a base di e costo di bienes y servicicionan esencial manera: cuminda, paña, vivienda, transporte y otro necesidadnan basico. Pa garantisa cu e cifra aki ta refleha e condicionnan economico actual, e gastonan ta wordo ahusta regularmente conforme e cambionan di prijs den e Indice di Prijs di Consumidor (CPI). Esaki ta e prueba mas palpabel cu e costo di bida ta den un aumento constante, afectando directamente e cartera di tur ciudadano.

Cifra Maart 2026: Pa un famia di dos adulto y dos mucha (edad 0-14), e entrada minimo necesario pa cubri e nivel basico di bida a yega na Afl. 5.602 pa luna. Esaki ta un aumento di Afl. 95 compara cu maart 2025, unda e cifra tabata Afl. 5.507. E aumento aki a wordo impulsado primordialmente pa e

gastonan mas halto den categorianan esencial; cuminda y bebidanan no alcoholico, cu a registra un aumento di Afl. 71 den transcurso di un año, mientras cu vivienda a aumenta cu Afl. 14 den e mesun periodo. E situacion ta bira mas critico ora nos compara e necesidad basico cu e realidad di e sueldonan. Pa un adulto, e bestaansminimum ta wordo calcula na Afl. 2.636 pa luna. E sueldo minimo ta rond di Afl. 1.900. Esaki ta nifica cu e sueldo minimo no ta alcanza pa cubri e gasto di bida di un individuo, lagando un deficit di mas di Afl. 700 mensual. E echo cu e gasto basico pa un persona ta sobrepasa e sueldo minimo cu casi 700 Florin, ta confirma e advertencia di Banco Central: e clase media na Aruba ta desapareciendo.

Cartera Bashi y Pijnsnan Halto: Pueblo ta drenta supermercadonan cu miedo, paso e costo di bida ta asina halto cu 100 Florin no tin ningun balor mas. Parlamentario Oduber a enfatisa cu, a pesar di e promesanan di e gobierno di AVP-Futuro pa trece alivio, baha e costo di bida y yena e frishidernan bek, e realidad awe ta totalmente opuesto. Tanto Banco Central como CBS a bolbe confirma cu pijnsnan di comestibel a conoce aumentonan drastico y pueblo su cartera ta mas bashi cu nunca.

Unda cu pueblo bira, tin sla di prijs! Pijns di awa y coriente no a baha, mientras e subida den prijs di gas y e aumento diario den cuminda y bebida ta keda strangula e cartera di nos pueblo. E aliv-

io cu tanto a wordo priminti NO ta wordo sinti, al contrario pueblo ta sinti su mes traiciona. Oduber a señala cu awe e frishidernan ta mas bashi cu nunca; nos pueblo a wordo castiga cu aumento di prijs y awendia e poder di compra a bay atras grandemente. Hopi ta esunnan cu mester traha dos trabao pa por yega fin di luna, sometiendo famianan na un stress y presion enorme pa motibo di e costo di bida halto.

Clase Media ta Desaparece: Nada no ta wordo haci pa mehora poder di compra pa esunnan cu ta gana sueldo minimo ni pa esunnan den clase media. Oduber a enfatisa cu Gobi-

erno a lubida riba 80.000 hende na Aruba! Pa e grupo aki, gobierno NO tin ningun incentivo y no a mehora nan poder di compra, mientrastanto e clase media ta desapareciendo dia pa dia.

Mas tristo ta cu gobierno y Minister Wever ta bisa pueblo cu NO tin inflacion, cu ningun prijs na Aruba a subi. Parlamentario Oduber a critica e posicion aki severamente, indicando cu un minister cu no kier acepta y reconoce e “sla di prijs” ta un mandatario totalmente desconecta cu nos realidad.

Surplus pa Gobierno, Sla pa Pueblo: Oduber a nota cu bestaansminimum a bolbe conoce un aumento na

maart 2026, kiermen pa famianan sobrevivir na Aruba a bira aun mas dificil y Gobierno ta man crusa. Nos no ta mira accionan pa baha e costo di bida, mehora e poder di compra di esunnan cu mester ta sinti’e den nan cartera. E año ki mester bini cambio pa asina esunnan mas afectados sinti alivio. Tur supermercado cu pueblo drenta nan ta mira cara di Geoffrey Wever riba shelf y a haya miedo di haci compras! Oduber a conclui: Den un pais caminda Gobierno tin mas di 500 miyon Florin di surplus, ta inaceptabel cu tanto hende ta sufrir! E prosperidad no a wordo comparti manera a ser priminti.

M.J.C TROMP

NOTARIS

Santa Cruz 35 • Santa Cruz, Aruba
T +297 585 3500 | +297 585 7900
E info@notaristromp.com

Op **donderdag 4 juni 2026** des namiddag om 14.00 uur, zal in de vergaderzaal van de “Aruba Surfside Marina”, L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afwijning worden gehouden van:

- het recht van erfpacht tot 19 november 2051 op een perceel domeingrond, groot 646 m2, gelegen te Mabon in het Vierde District van Aruba, (kadastrale indeling: 4-E-22), nader omschreven in **kadastrale meetbrief nummer 82 van vier juli negentienhonderd een en negentig**, met het daarop gebouwde, plaatselijk bekend als “**Mabon 9-F**”.

Inzetprijs: Afl. 277.000, ==;

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met **20 mei 2026** kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Whatsapp: (297) 6997245

Fax: 5854222

Email: veiling@notaristromp.com / auction@notaristromp.com

Visit: Arubanotary.com

NT

ULTIMO SIMAN - ULTIMO SIMAN - ULTIMO SIMAN

STERILISA BO MASCOTA

WhatsApp +297 593 8390




YUDA NOS CONTROLA E SOBREPULACION AWE

AWAA

* GRATIS * FREE * GRATIS *

Spay and neuter campaign 27 april - 8 mei

Na fin di april nos tin veterinario na AWAA (Animal Welfare Alliance Aruba) atrobe. Si bo tin bestia pa sterilisa of castra, laga nos sa. Si ta bestia di otro hende, please puntra nan pa registra. **Si ta bestia di caya cu nos tin cu catch.** Please puntra nos pa bin cu nos haula special. Please register to spay or neuter your dog or cat at: **Whatsapp: +2975939083 or +2975938390**



AWAA

Hopi Arubiano tabata viaha cu nan

Spirit Airlines a stop di existi lagando hopi pasahero stagna riba e isla

• E tabata yuda trece hopi turista pa Aruba

ORANJESTAD (AAN): Na aña 2007, DIARIO a publica e informacion cu un aerolinea di como 15 aña di existencia cu sede na Florida, ta pensa di bin Aruba.

Despues confirmacion oficial a drenta cu e Aerolinea aki cu yama 'Spirit' lo cuminsa bula pa Aruba semanalmente tur Diasabra, y cu pa e prome vuelo aki nan ta ofreciendo tur hende un asiento pa solamente \$9. Abo tin di djis paga extra si bo kier bay cu maleta, y bo tin di paga tambe extra e Airport Tax di Aruba.

Pasashi di \$9: Na comienso, hopi hende na Aruba no kier a kere, y pesey no a cumpra. Pero e grupo chikito di hendenan local cu si a compra ticket, a viaha cu nan familia completo pagando solamente \$9. Nan tur tabata den Terminal pa mira e yegada di e avion, cu a ricibi saludo di cañon di awa riba Plataforma di Aeropuerto Internacional Reina Beatrix.

Ora di regreso pa Fort Lauderdale, debi cu no tabatin hopi pasahero, a dicidi na separa e pasaheronan, esta un grupo a sinta mas dilanti, y otro nan a sinta mas patras, pa asina balansa e avion. Tur hende abordo a paga djis \$9 pa pasashi, y nan a disfruta di un vuelo fenomenal abordo di Airbus A320 nobo-nobo di Spirit Airlines.

Desde e tempo ey, Spirit de vez en cuando tabata ofrece pasashi di \$9, y tambe tin biaha di \$59 pa viaha pa Fort Lauderdale. E ora si tur Arubianonan a haya sa di esey, y



e ora si a cuminsa cumpra. Despues Spirit a sigui ofrece pasashi di \$9 pa persona, solamente si bo bira miembro di e asina yama '\$9 Fare Club'.

Carrier importante pa Aruba: Pa 19 aña largo, Spirit a transporta hopi hende di Merca pa Aruba. Vice-versa, hopi Arubiano a probecha di drenta e avionnan color geel aki pa tarifanan hopi abao pa bay haci shopping. Nan tabata encanta cu e vuelo ta baha na Fort Lauderdale cu ta menos druk cu e.o. Miami.

Durante di conciertonan grandi na Aruba, e.o. di Soul Beach Music Festival, e vuelonan di Spirit tabata yen-yen di esnan cu a viaha pa e isla pa concierto. Tambe e tabata trece hopi hoben pa pasa nan 'Spring Break' riba e One Happy Island aki. Hopi Arubiano a indica cu aunke Spirit tabatin un 'number no mucho bunita' riba social media den exterior, toch pa e vuelonan pa y for di Aruba e servicio semper tabata bon.

Statistica di Aruba Tourism Authority a detecta un aumento di 18.9 porciento di pasaheronan di Spirit Airlines den e prome cuartal di e aña aki. E cifra ta muestra cu Spirit a trece 6.877 bishitante stay-over, cu ta 18.9 porciento mas compara cu e mesun

periodo den 2025.

Desde 2023 Spirit tabata sirbi Aruba cu 2 vuelo semanal (aunke tin biaha e ta 4 vuelo pa siman), y su ausencia lo bay ta un impacto grandi pa Aruba.

E presencia di Spirit riba e ruta di Aruba pa Florida, semper tabata e catalizador pa yuda mantene tarifa di pasashi competitivo. Spirit su tarifa abao, tabata evita cu otro aerolineanan ta hisa nan tarifa manera cu nan ta haya ta bon. Pero awor cu Spirit no tey, ya tin duda si acaso tarifa di tur otro aerolinea di Aruba pa Merca lo keda mescos.

Spirit Airlines a wordo crea na aña 1992, y desde cu nan a cuminsa bula, nunca nan a sufrí un accident fatal. Tur vuelo di Spirit cu a lanta, a ateriza bek safe.

Despues di 34 aña di existencia, riba Diasabra mainta e aerolinea di tarifanan abao, Spirit a stop di existi.

Nan a bati bancarota, y a stop tur vuelo inmediatamente pa 3:00 am. Mesora tur hende a perde trabao, y no tabatin nada mas di Customer Service, ningun piloto, stewardess, ni personal di check-in.

Aerolinea hopi safe: Spirit Airlines a finaliza su historia, cu un safety-record di mas di 3 decada, cu ningun caso fatal den su existencia. E logro remarcabel aki wordo recorda awor cu riba Diasabra nan a bisa nan ultimo ayo.

Varios analista ta insisti cu ta e guera cu Merca a start contra Iran ta e berdadero motibo pakico Spirit Airlines

a stop di existi.

Spirit Airlines su henter modelo di negoshi a depende riba costo di jet fuel. Nan plan di restructuracion a asumi cu jet fuel lo keda alrededor di \$2,24 pa galon. Pero envez di esey, prijsnan a bay halto y pasa riba di \$4,50 pa galon. Tur esey despues di e inestabilidad global cu a start cu e guera cu Iran, y e cierre di Estrecho di Hormuz. Resultado tur esaki, ta un colapse total.

Por bisa pues, cu e guera sin sentido di Washington a caba di destrui un compania Mericano, y pone miles di trahador sin pan riba mesa. Ademas miles di pasahero a keda stagna tur caminda.

Yudando esnan stagna: Na Aruba un grupo di mas di 150 pasahero Mericano a keda stagna. Na Fort Lauderdale tambe tin pasaheronan Arubiano cu a keda stagna. Spirit a shutdown y no tabatin ningun caminda pa bo yama, aunke e compania a manda un boletin pa bisa cu tur hende cu a compra pasashi, lo bay haya nan placa deposita bek riba e credit card of debit card original cu nan a haci e compra cu ne.

E caos riba Diasabra mainta tabatin tanto pasahero- y empleadonan babuca. Na Aeropuerto di San Juan na Puerto Rico, pasaheronan a cuminsa grita e personal di groundhandler, aunke nan no tin nada di bisa di e situacion.

Den henter Caribe tin miles di pasahero cu a keda stagna, como tambe na Centro- y Sur America.

Varios compania di aviacion

na Merca, a dicidi na duna un man. Algun ora despues cu Spirit a stop di existi, e aerolinea jetBlue a bin cu un mision di rescate. Nan a ofrece 'pasashi di rescate' di solamente \$99 pa tur hende cu tin un pasashi valido di Spirit.

Otro aerolineanan, manera United, Delta, y Southwest a stipula un prijs maximo pa yuda clientenan di Spirit cu tin di bay cumpra pasashi pa nan vuelonan cancela. Pa por haya e prijsnan aki, individuanan mester di duna un number di confirmacion di Spirit, y prueba di pago. Southwest su oferta a cuminsa Diasabra y ta valido pa 72 ora. Delta ta valido pa 5 dia, United ta valido pa 2 siman, y jetBlue solamente pa 72 ora. Ningun aerolinea ta acepta pasashi di Spirit pa bo bula gratis, y na ta djis ofrece pasashi na prijs reduci pa yuda esnan cu a keda stagna.

Na Colombia, a nota cu Avianca tambe ta dunando un man pa e riba di 10.000 pasahero stagna na diferente ciudad.

E factor humano tambe ta grandi, pasobra Spirit ta un di e dunadonan di trabao grandi na Fort Lauderdale y Broward County. Hopi hende ta sinti cu Partido Republicano, incluyendo Gobernador Ron de Santis di Florida a laga nan tur na caya. Culpa ta wordo tira hasta riba Washington, pasobra Merca a manda placa yuda varios instancia den exterior (e.o. Argentina mes), mientras cu na Merca e aerolinea Spirit mes no por a haya yudansa.

Un dia exitoso cu Open Dag di Marinierskazerne na Savaneta



ORANJESTAD (AAN): Un biaha mas, Marinierskazerne Savaneta a luci na forma magistral cu nan tradicional 'Open Dag' riba Dia di Obrero.

Aunke solo tabata extra fuerte cu minimo di nubia pa trece tiki sombra, toch e cantidad di hendenan cu a acudi tabata inmenso. Tur hende, incluyendo muchanan a haya tur aspecto militar pa mira, y tambe observa e operacion di Wardacosta di Caribe Hulandes.

Por a bay core riba trucknan militar, esnan yama 'An-naconda', tambe core riba Super Rhib di Wardacosta, y coremento door di obstaculonan pa muchanan. Rij largo di hende pa subi e cutter Panter di Wardacosta. A mira Bomberonan tambe ta haci demostracion di nan habilidad, y di nan vehiculonan, entre otro nan Hoogwerker.

Como cu tabata hopi calor, por a mira con Mariniers tabata yuda tur bishitante haya awa pa bebe pa asina nan keda hidratata henter e dia.

Tabatin vlooiemarkt, area di autonan clasico, demostracion di tur tipo, y tambe cuminda na benta. Publico a descubri un fenomenal Beach Bar tambe cu tabata bon comenta.



Den apenas un año ya caba Iberostar Aruba a crea impacto positivo riba e isla

• *Tur trahador a haya training y sa tur cos di turismo sostenibel*



ORANJESTAD (AAN): Recientemente, DIARIO tabata presente na momento cu Iberostar Hotels & Resorts cu orguyo a celebra e prome aniversario di JOIA Aruba by Iberostar. Durante e ultimo año, e compania a solidifica su presencia riba e isla pa medio di un modelo di turismo responsabel, enfocando riba iniciativanan ambiental di impacto halto, desaroyo social, y aliansanan local cu balor.

Pa esnan cu no sa, Iberostar Hotels & Resorts ya ta existi na mundo pa 70 año caba, dunando respaldo rond di e planeta pa su Turismo cu Proposito.

Cu 100 propiedad den 14 pais y siete decada di experiencia den e industria, Iberostar ta sigui boga pa cambio positivo pa medio di turismo positivo. Como un negoshi 100% familiar, e compania ta wordo guia pa un vision robusto a largo plaso, cu enfoke riba duna balor di calidad halto y transforma e sector turistico den un forsa regenerativo cu ta cuida ecosistemanan (specialmente nos lama) y ta contribui na e bienestar di e comunidadnan unda nan ta opera.

Iberostar ta avansando su strategia di turismo responsabel pa medio di su movimiento 'Iberostar Wave of Change', structura rond di siete area di enfoke: (1) Cuido di nos hendenan. (2) Compromiso cu comunidadnan local. (3) Proteccion di naturalesa. (4) Promocion di consumo responsabel di producto di lama (5) Accion climatico. (6) Experiencia circular. (7) Crecemento responsabel.

Cu mas di 460 profesional trahando na Iberostar Aruba y e compromiso pa traha aliansanan a largo plaso, e compania ta implementa su modelo di turismo responsabel na Aruba pa medio di JOIA Aruba by Iberostar y e campo di golf di Tierra del Sol.

"Nos a diseña JOIA Aruba by Iberostar pa e ta un luga di encuentro pa nos hendenan local, y nos ta orguyoso di habri nos portanan y nos experiencianan unico pa e comunidad. Nos ta balora profundamente nos colaboracion cu e comunidad di Aruba y nos ta orguyoso di introduci Iberostar su modelo di turismo responsabel como un forsa pa cambio positivo.



E milestone aki ta reforsa nos compromiso pa construi aliansanan local mientrastanto nos ta proteha e medio ambiente cu ta rondona nos", ta loke Arnaud Le Lanchon, General Manager di Iberostar na Aruba, a declara.

Prioridad di JOIA Aruba: Desde su apertura, JOIA Aruba by Iberostar a prioritisar un cultura unda e ser humano ta central. E resort a bira un motor clave pa desaroyo di e forsa laboral local pa medio di pasantianan den colaboracion cu Colegio EPI, EPB School, y Universidad di Aruba, brindando mas di 40 estudiante experiencia den hospitalidad.

Un pilar di su compromiso cu comunidad ta e programa Aula di Lama; un espacio educativo habri dedica na nos lama. Den su prome año, e programa a fungi como anfitrión pa 145 sesion, alcansando aproximadamente 1,290 beneficiarionan, inspirando un generacion nobo di protector di lama pa medio di colaboracion cu mas di 15 NGO local. E aliansanan aki ta esencial pa garantiza cu e contenido ta keda relevante,



basa riba ciencia, y conecta cu prioridadnan ambiental actual.

Ademas di educacion, Iberostar a construi relacionnan significante cu varios socio local, incluyendo Metabolic Foundation, Fundacion Savaneta, Alto Vista Winery, y Cunucu Libiee, apoyando cultura local, desaroyo comunitario, y experiencianan Arubiano autentico cu ta conecta bishitante cu e tradicionnan di e isla.

Pa medio di su aliansa cu Alto Vista Winery, Iberostar hunto cu varios otro hotel ta apoya un enfoke circular pa maneho di desperdicio. Desperdicio di cuminda di e sector di hospitalidad ta wordo procesa na un manera responsabel y transforma den un nutrient-rich compost, cual ta yuda nutri e agricultura local y ta contribui na practicanan di agricultura mas sostenibel riba e isla.

Ademas, e compania a lansa e Shoco Boulevard na JOIA Aruba by Iberostar, un luga educativo riba e propiedad dedica na crea conciencia tocante e specienan y e

biodiversidad unico di Aruba. Mas di 1000 participante, incluyendo miembronan di e ekipo di JOIA Aruba, stakeholders di comunidad, studiantenan di Universidad di Aruba, empleadonan di otro hotel nan, y prensa local, a completa e entrenamiento di Shoco Ambassador, fortaleciendo e conciencia di conservacion y conocimiento tocante Aruba su shoco. JOIA Aruba tambe a wordo selecta pa fungi como anfitrión pa e World Owl Conference na 2026, locual ta confirma nan papel pionero den educacion ambiental y preservacion di bida salvahe.

Jareth Vermeulen, Destination Alliances Manager pa Aruba, ta splica: "Nos ta balora profundamente nos colaboracion cu e comunidad di Aruba y nos ta orguyoso di introduci Iberostar su modelo di turismo responsabel na Aruba como un motor activo di cambio positivo. E etapa aki ta reforsa nos compromiso pa fomenta aliansanan local fuerte pa logra nos meta di salvaguardia e naturalesa cu ta rondona nos propiedadnan".

Grupo grandi a bay mira tres pelicula anochi den naturaleza na Rooi



ORANJESTAD (AAN): Bao e luna yen na Cunucu 297 na Rooi Taki, un grupo di 70 invitado tabatin e oportunidad di mira e 3 produccion di Berea Productions, e weekend cu a pasa. E tabata un anochi di pelicula, presenta pa Fundacion Berea.

E tres peliculanen ta produci pa Desiree Croes y ta titula "E Bruha, Bruhá", tambe "E Carta", y a pasa tambe "E Bruha, Bruhá 2".

E anochi a habri cu Addon-



sito Croes como MC. E tambe a actua den tur 3 pelicula. El a yama tur presente bonbini. Despues Desiree Croes a dirigi palabra gradiciendo e publico grandi presente y splicando con orguyoso e ta di presenta e.o. e pelicula di año 2025 na Corsou, esta "E Bruha, Bruhá 1" den e naturalesa unda e tabata filma. E mensahe ta pa nos proteha naturalesa di Aruba contra e crecemento demasiado di turismo.

Tambe el a informa un y tur cu pronto ta cuminsa e filmacion di "E Bruha, Bruhá 3".

Pa tur esnan cu ta desea pa e organizacion pasa e peliculanen pa nan, por contact Desiree Croes of Addonsito Croes riba Facebook of Instagram.



Mami stima, Bo merece e miho!

Afl.
160,-




SAMSUNG GALAXY A07* 128GB

Hybrid Basic

- Price: Afl. 75,-
- Data: 30GB
- Prepaid Credit: Afl. 15,-

Freebies



Afl.
147,-




SAMSUNG ^{5G} GALAXY A17* 128GB


Hybrid Comfort

- Price: Afl. 139,-
- 5G Data: 50GB
- Prepaid Credit: Afl. 45,-

Freebies



Afl.
333,-



SAMSUNG ^{5G} GALAXY A26* 256GB

Postpaid U Basic

- Price: Afl. 159,-
- 5G Data: 100GB
- Unlimited Minutes SETAR Fixed & Mobile
- Unlimited SMS to SETAR Mobile
- 200 Minutes International & Other Providers
- 500MB Roaming Data

Afl.
1650,-



APPLE ^{5G} IPHONE 17* 256GB

Postpaid U Supreme

- Price: Afl. 330,-
- 5G Data: 200GB
- Unlimited Minutes SETAR Fixed & Mobile
- Unlimited SMS to SETAR Mobile
- 800 Minutes International & Other Providers
- 2GB Roaming Data

* Prijs di Samsung Galaxy A07 di Afl.160 ta valido cu contract di Hybrid Basic 2 aña pa Afl.75 pa luna. Prijs di Samsung Galaxy A17 di Afl.147 ta valido cu contract di Hybrid Comfort 2 aña pa Afl.139 pa luna. Prijs di Samsung Galaxy A26 di Afl.333 ta valido cu contract di Postpaid U Basic 2 aña pa Afl.159 pa luna. Prijs di Apple iPhone 17 di Afl.1650 ta valido cu contract di Postpaid U Supreme 2 aña di Afl. 330 pa luna.

* Prome 50 cliente ta ricibi un Giftcard di Aruba Aloe cu contract di 2 aña.

Charla exitoso na Biblioteca pa siña muchanan planta mata



ORANJESTAD (AAN): Un biaha pa luna Bibliotheca Nacional ta tene e conocido actividad cu yama “Conta mi un Storia”. E ta un herment esencial pa promove lesamento e placer di lesamento entre muchanan.

Pero e biaha aki y pa conmemora e luna di Mama Tera, e funcionario di Santa Rosa, esta Ludwig Rasmijn a duna un charla pa e chikitonan encuanto di plantamento y con nan por crea un hofi na nan cas.

Santa Rosa y tambe Biblioteca Nacional ta spera cu e chikitinnan por stimula nan grandinan pa cuminsa planta cu nan y asina come mas saludabel y yuda baha gasto di compra fruta y berdura. Hunto, nos mester por.

Asina a observa Dia di Mama Tera na Parke Arikok



ORANJESTAD (AAN): Recientemente relaciona cu observacion di Dia di Mama Tera, amantenan di naturalesa a reuni den e asina yama ‘Hofi Shon Shoco’ pa e lansamento di campaña di conscientisacion “Naturalesa ta Papia”. Un caminata trankilo guia pa Gea Sougé Life Coaching a sali direccion di Cunucu Arikok cu e meta di tuma un momento pa reflexiona y reconecta cu e bosnan di naturalesa.

Un ambiente ameno cu e intencion pa recorda nos pa scucha, pero cu scucha so no ta suficiente. Nos tur tin un responsabilidad den conservacion di nos naturalesa. Un palabra di gradicimento na tur esnan cu tabata t’ey presente.



Resultado di 2 luna di workshop

Anochi di diseño nobo bao guia di Ronchi de Cuba



ORANJESTAD (AAN): E conocido Addonsito Croes, recien tabata di bishita na un anochi di elegancia y bon diseño den Cas di Cultura. Tabata e final di dos luna di workshop den e mundo di diseño na cua a participa 9 diseñado y creado local.

Cu bunita palabranan di bonbini di Vicky Arens, e anochi a cuminsa na ora y a cana profesionalmente te final. Cada diseñador a dirigi palabra na e publico splicando nan diseño- y trahenan.

E diseñadornan y nan tema: (*) Angelina a presenta cu



Al/Noah. (*) Jo-Anne a presenta cu Calatayud. (*) Sandra a presenta cu Cecile. (*) Rudhny a presenta cu Crochique. (*) Jane a presenta cu House of Aurora. (*) Jeremiah a presenta cu House of James. (*) Kiki a presenta cu K-Kotoure. (*) Lissette a presenta cu Maison Lissette. (*) Julienne a presenta cu Rewoven.

E modelonan tabata Jordy, Xaui, Andreina, Kiarah, Scarlet, Gabriela, Maxime, Genevan, Sienna, Shannon, Sean, Jurvin, Christian, Ashanti, Christopher, Shan-

nen, Caithlyne y Danielle.

A mira con ublico a aplaudi cada un cu hopi respet y admiracion.

"Cu esaki mi ta felicita cada diseñado pa loke nan a presenta y tambe Ronchi de Cuba pa a guia e Fashion Workshop Finale y cada un den e rumbo di exito. Danki na Sharin Croes Dubero pa a brinda e informacion pa mi articulo y danki tambe na prensa cu tabata presente," Addonsito Croes a finaliza bisando.



GET 1 MEDIUM PIZZA

CHOICE OF

BBQ CHICKEN

PEPPERONI FEAST

DELUXE | VEGGIES

AMERICAN FEAST

OR 2 TOPPINGS

PLUS CHOICE OF

2 LAVA CAKES

BREADSTIXS | CINNASTIXS

16 PCS PARMESAN BREAD BITES

3 MARBLED COOKIE BROWNIE

FOR 33.00 AWG

Excluding Delivery Charge









STA CRUZ 585 0333 PALM BEACH 586 0333 PARADERA 582 0333 SAVANETA 584 0444 BOULEVARD 583 0333

ORDER AT DOMINOSARUBA.COM

Download on the App Store GET IT ON Google Play

Koninkrijks Toernooi

Team di Aruba a logra di dos lugar den torneo na Corsou



ORANJESTAD (AAN): Den fin di siman, e team di futbol di hobennan di Aruba a regresa nan isla, despues di participa y obtene e di Segundo Lugar, den e torneo yama 'Koninkrijks Toernooi', cu a ser teni na Corsou. E ta un torneo organiza hunto cu Fundacion Rise Above Barriers na e isla.

Aruba su balente hobennan futbolista, a representa nan isla cu un team fuerte, y e.o. a logra gana e seleccion di Hulanda cu score di 3-0.

Den siguiente weganan, den Finals, e team di Aruba a empata 1-1 cu Corsou. Pero Corsou na final a logra gana cu penalty.

Aruba pues a keda cu frenta na laira na di dos lugar, y a yega bek Aruba orguyoso cu nan trofeo y medayanan ricibi, cu ta demonstra nan berdadero dedicacion y bon prestacion na e torneo.

Palabranan di pabien na tur e hobennan aki cu ta dedica na deporte sano y hisa e bandera di Aruba den exterior!



A LUXURIOUS Pause, Crafted FOR a Mom.

This Mother's Day, she'll enjoy 10% off and a complimentary glass of sparkling wine.

Give her the gift of true relaxation at Okeanos Spa. Every treatment is designed to soothe, restore, and elevate.

Reserve her experience today by calling 5236176.



Valid for all of May. All salon treatments, facial treatments, and indoor massage treatments will be offered at florin pricing.



okeanos
SPA

‘A Mediterranean Night in Provence’

Facultad FHTMS su prome lustro cu cena pa recauda fondo



ORANJESTAD (AAN): E Facultad di Hospitality and Tourism Management Studies (FHTMS) di e Universidad di Aruba ta organizando su di cinco aniversario di e cena pa recaudacion di fondo, “A Mediterranean Night in Provence” riba Diasabra 9 di Mei 2026 pa 6:00 pm na Universidad di Aruba.

E evento ta priminti un anochi sofisticada, inspira pa e sabornan Mediterraneo y Provincial, ofreciendo bishitantenan un experiencia culinaria y cultural unico, cu na mesun tempo ta sostene e desarojo continuo di educacion di hospitalidad na Aruba.

Mas cu un iniciativa pa recauda fondo, e evento ta sirbi como un experiencia totalmente inmersivo, lidera pa e studiantenan mes. Organiza como parti di e curso di MICE (Meetings, Incentives, Conferences, and Events), e evento ta representa e culminacion di trayecto academico pa cu e curso MICE di e studiantenan, dunando nan e oportunidad pa aplica e conocimiento teoretico den un ambiente di bida real. For di e desarojo inicial di concepto y planificacion te cu e ehecutucion y servicio, e studiantenan ta responsable pa tur aspecto di e anochi.

Durante e evento, bishitantenan lo wordo atendi pa e studiantenan cu a diseña y prepara e experiencia, brindando nan un entrenamiento valioso den hospitalidad y manejo di evento. E iniciativa no solamente ta sostene e facultad, pero tambe ta crea

un oportunidad significativo pa studiantenan desaroya nan habilidadnan profesional den un ambiente real.

E anochi ta bira posible pa medio di colaboracion cu Divi & Tamarijn All Inclusive, hunto cu participacion di estudiante di Educacion Profesional Basico (EPB) di e sector culinario. E colaboracion aki ta muestra un compromiso comparti pa fomenta educacion practico y fortalece e lazonan den sector di hospitalidad y turismo na Aruba. Riba e potret por mira Chef Frank kende ta cla pa crea magia cu e cuminda.

Un bishitante di un evento anterior a describi e eventonan anterior como “algo magico,” resaltando e combinacion perfecto di cuminda delicioso cu bon biña y espectáculo impresionante. el a enfatiza cu e experiencia tabata inolvidable, añadiendo: “Wak pa bo tey paso e ta un evento cu bo no lo kier perde” el a menciona tambe cu, banda di e experiencia, e ta dunabo un bon sentimiento, pasobra e entrada di e evento ta bay bek pa sostene e studiantenan y nan desarojo educativo.

Participando na e evento aki, bishitantenan no lo solamente contribui na e progreso di educacion di hospitalidad, pero tambe ta sostene activamente e siguiente generacion di profesionalnan di industria mientras nan ta muestra nan talento y dedicacion. Pa haci reservacion, por tuma contact na 561-2456 of 564-3715.

Prome Ministro a bishita Catharina riba su di 103 cumpleaños

ORANJESTAD(AAN): Esaki tabata un momento di respet y gratitud! Siman pasa Prome Ministro Mike Eman a haci un bishita special na Mahuma pa rindi homenahe na señora Catharina Hernandez, kende a celebra impresionante edad di 103 aña.

Den presencia di familia, incluyendo su yiu



muhe Indira Vera, e encuentro tabata marca pa palabra di aprecio, reconocimiento y calor familiar pa un bida yen di experiencia, fortaleza y contribucion na comunidad.

Señora Hernandez ta un ehempel bibo di resiliencia y sabiduria, un inspiracion pa generacionnan cu ta bin.

Y el a pone un sonrisa di berdad ora cu e tabata papiando cu Prome Ministro. Pabien na Catharina, y hopi aña mas di bida.

Casonan Penal pa wordo trata den Corte di Husticia na Aruba

Casonan di Dialuna 4 Mei 2026



Horario	Sospechoso	Acto Castigabel
8:30 am	O.A.H.	Sospechoso H. ta wordo acusa di intento di homicidio riba 18 di October 2025.
10:00 am	A.J.A.G.	Sospechoso G. ta wordo acusa di viola Ley di Droga riba 19 di November 2025.
11:00 am	V.A.G.	Sospechoso G. ta wordo acusa di a viola Ley di Droga riba 21 di December 2025.
1:30 pm	A.C.S.R. P.E.L.V.	Sospechoso S.R. ta wordo acusa di a menaza un persona cu morto, y di posesion di un arma di candela riba 4 di Januari 2026. Sospechoso V. ta wordo acusa di kiebro y tambe ladronicia riba un turista riba 2 di Februari 2026, tambe 20 di Januari 2026, y 21 di Januari 2026.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Dialuna 4 Mei 2026 den

Sala di Corte di Husticia na Aruba. E informacion aki a wordo suministra door di Ministerio Publico.



RESULTADO DI SORTEONAN PA CORTESIA DI CADENA ALEXANDER

— Diasabra 2 Mei 2026
— Diadomingo 3 Mei 2026

DIARIO	KORSOU	Lotería Santo Domingo	CATACHI	ZODIAC	LUCKY 3
Diasabra 4793 3896 8999	Diasabra 7656 5866 9502	Diadomingo Anochi 5074 3847 6679	Diasabra Merdia 1871 7625 4228 X5	Diasabra Merdia 6717 0568 1114 X2	Diasabra Merdia 4211 Capricornio
Diadomingo 8178 0567 8718	Diadomingo 5523 6739 6711	Diasabra 5077	Diadomingo Merdia 6218 6811 4098 FP	Diasabra Anochi 4225 Aguarito	Diasabra Merdia 615 X2
Diasabra Merdia Anochi X2 3489 X2 9030	Diasabra Merdia Anochi 3580 0576	Diadomingo Merdia 4177	Diasabra 01-05-17-25-29	Diadomingo 04-16-21-23-24	Siguiente jackpot: 88.000 Florin



RESULTADO

Sorteo #2693

— Resultado di Diasabra 2 Mei 2026 —

05 07 10 20 28

Free Letter: **M**

Joker

21

1er Premio: Tin 0 ganador
2do Premio: Tin 0 ganador di Match 4+
3er Premio: Tin 5 ganador di Match 4
4to Premio: Tin 283 ganador di 12 Florin

Siguiente sorteo: Diaranson 6 Mei 2026

Premio di jackpot: **Afl. 240.000,--**

EMERGENCIA NA ARUBA

Dialuna 4 Mei 2026

DOCTER NA WARD

SAN NICOLAS:

Pa San Nicolas, Docter lo
ta na H.A.P. ImSan.
Docter tey for di 6'or di
anochi te 10'or di anochi.

ORANJESTAD:

Pa Oranjestad, Docter lo ta
na Huisartsenpost H.A.P.
na Hospital. Docter tey di
6:30 pm te cu 10:30 pm.

BOTICA NA WARD

PARIBA DI BRUG:

Botica 4 Centro Medico
Bernhardstraat 55
Telefon 584-5794

PABAO DI BRUG:

Botica Dakota NV
Avenida Milio Croes 45
Telefon 588-7464

BUSCA PALABRA

E M A L E T A U S N A E
E P A E R O L I N E A B
S T A G N A B E O S A A
N O G U A P L Y U U A N
P A S A H E R O T R U C
E T L O W C O S T S E A
L M E O T S L P U E N R
E E A U P A G O D A A O
A Y U D A N S A N N O T
O A U U O E A E O C S A
S A S A S R E R A E U S
S A D E S E M P L E O E
D E S A M P A R A O O M
N A N O L E U V P S R W

Bancarota Desempleo Surseance Pago
Aerolinea Low Cost Pasahero Maleta
Vuelonan Desampara Stagna Yudansa



Hari Un Tiki

Juanchito a yega trempa
na scol, y e tabata pura pa
bel bati, pasobra e tin algo
grandi pa conta su juffrouw
di scol.

Porfin bel a bati, y tur
mucha a para na porta y na
un forma ordena nan a
drenta, pone nan tas abao,
sinta tras di banki y saluda
nan juffrouw.

Juffrouw tambe a saluda
nan, a lanta para y bay para
dilanti borch, y haci ora-
cion cu nan, y despues a
puntra nan kende tin algo
di conta prome cu nan start
cu les di dia.

Aki Juanchito mesora a
hisa dede, y bisa:

—“Ami ami ami juffrouw.”

Juffrouw a mira cu ta
Juanchito atrobe y a bise
dal bay y conta bo storia.

—“Wel juffrouw, pafo di scol
tabatin un homber kende a
perde un papel di 100
Florin.”

Juffrouw a bisa:

—“Ow, y abo tabata yud'e
pa e haya e placa? Esey ta
hopi bon mes Juanchito.”

Juanchito a contesta:
—“Esey no... pasobra ami
tabata para riba e 100
Florin...”

Solucion Anterior

8	3	6	7	2	9	1	4	5
7	2	4	1	3	5	9	8	6
5	9	1	6	4	8	2	7	3
1	4	2	9	6	7	3	5	8
6	8	9	3	5	2	4	1	7
3	5	7	8	1	4	6	9	2
2	7	8	4	9	3	5	6	1
9	6	3	5	8	1	7	2	4
4	1	5	2	7	6	8	3	9

Difficulty Level ★

5/92

DIARIO

Loke Tempo ta Mustra....



• Extension di area di presion halto riba Atlantiuco lo mantene
biento fuerte. Aire den region ta basta seco y lo stroba nubianan
di forma. Apart di awacero breve, tempo seco lo prevalece.

• Biento di Pariba ta modera entre 20 y 39 km/h, cu rafaga te
61 km/h. Ola ta modera entre 4 y 6 pia.



ALMANAC



**Bahada
y salida
di solo
na Aruba**

— 4 Mei 2026

Solo ta baha: 6:55 p.m.

— 5 Mei 2026

Solo ta sali: 6:19 a.m.

Solo ta baha: 6:55 p.m.

— 6 Mei 2026

Solo ta sali: 6:18 a.m.

Solo ta baha: 6:55 p.m.

— 7 Mei 2026

Solo ta sali: 6:18 a.m.

Solo ta baha: 6:56 p.m.

— 8 Mei 2026


Solo ta sali: 6:17 a.m.

Solo ta baha: 6:56 p.m.



Tel: 583-1190

Anonimo y Confidencial



**Lista di
Crusero
di bishita
na Aruba**

—Diamars 5 Mei 2026:

Celebrity Silhouette:

(08:00 - 17:00)

Carnival Magic:

(09:00 - 22:00)

—Diaranson 6 Mei 2026:

Grandeur of the Seas:

(11:59 - 23:00)

—Diamars 12 Mei 2026:

Carnival Horizon:

(08:00 - 22:00)

Grandeur of the Seas:

(08:00 - 23:00)

—Diamars 19 Mei 2026:

Adventure of the Seas:

(07:00 - 23:00)

Grandeur of the Seas:

(08:00 - 23:00)

—Diaranson 20 Mei 2026:

Allure of the Seas:

(07:00 - 16:00)

Carnival Vista:

(07:00 - 16:00)

Difficulty Level ★★★

5/04

DEPORTE INTERNACIONAL

Philadelphia 76ers a elimina Boston Celtics



BOSTON: Hungando na cas Boston Celtics tabata faborito pa gana e di 7 wega di playoffs den prome rond di Eastern Conference contra Philadelphia 76ers, apesar di e hecho cu na ultimo a constata cu Jayson Tatum no por a hunga. Philadelphia tabata 3-1 perdi den e serie y a logra gana Diasabra cu e score di 109-100 pa gana e serie 4-3 y pasa pa proximo rond di playoffs.

Maximo anotadpr pa 76ers tabata Joel Embiid cu 34 punto, 12 rebounds y 6 asistencia, mientras cu Tyrese Maxey a contribui cu 30 punto, 11 rebounds y 7 asistencia. Di otro banda maximo anotador pa Celtics tabata Jaylen Brown cu 33 punto y 9 rebounds, mientras cu Derrick White a contribui cu 26 punto incluyendo 5 anotacion di 3 punto.

Sassuolo a sorprende AC Milan



ITALIA: Diadomingo AC Milan tabata buscando pa gana nan wega pa empata cu Napoli na di dos lugar di Serie A, pero nan a wordo sorprende pa Sassuolo. Sassuolo a anota prome, AC Milan a ricibi un carchi cora den di 24 minuut y na final Sassuolo a gana e wega 2-0. Esaki ta nifica cu Milan ta keda

pega na di 3 lugar di e campeonato Italiano cu 67 punto den 35 wega. Sassuolo ta na di 9 lugar cu 49 punto. E prome gol di Sassuolo a wordo anota pa Domenico Berardi den di 5 minuut y e di dos gol a wordo anota pa Armand Lauriente den di 47 minuut.

Liverpool a bin bek pero Manchester United a gana



MANCHESTER: Diadomingo a tuma lugar un tremendo bataya pa di tres lugar di Premier League entre Manchester United y Liverpool. United hungando na cas a cuminsa hopi bon y a bay ariba 2-0, Liverpool a bin bek pa empata e wega y na fina Manchester a gana e wega 3-2. Esaki ta nifica cu United ta mas stabil na di 3 lugar di e campeonato Ingles cu 64 punto den 35

wega, mientras cu Liverpool ta na di 4 lugar cu 58 punto. E prome gol di Manchester a wordo anota pa Matheus Cunha den di 6 minuut y tabata Benjamin Sesko cu a anota e 2-0. Liverpool a haya speranza ora cu den di 47 minuut Dominik Szoboszlai a anota e 2-1 y den di 56 minuut Cody Gakpo a anota e 2-2. Sinembargo den di 77 minuut Kobbie Mainoo a anota e gol ganador pa United

Ajax y PSV a keda empata 2-2



AMSTERDAM: E fanaticonan di Amsterdam y Eindhoven for di algun siman caba tabata pendiente pa e wega entre Ajax y PSV, cu pa ultimo decadanen tambe a bira un clasico. E wega no a despapunta pasobra tabata tin suficiente gol pa entretene e publico na Amsterdam. Despues di un bon bataya PSV a tuma e bentaha laat, pero mas laat ainda Ajax a logra empata e wega

2-2 y asina e wega a caba. E prome gol di PSV a wordo anota pa Ricardo Pepi den prome minuut caba y 10 minuut despues Anton Gaei a anota e 1-1 pa Ajax. Ora cu den di 77 minuut Myron Boadu a anota e 2-1 pa PSV e club di Eindhoven a pensa cu nan mo bay cas cu e victoria pero den di 92 minuut Mika Godts a anota e gol di empate pa e ekipo di Amsterdam.



Noticianan for di Hulanda

Mucha a perde su bida den candela na Oldenzaal



OLDENZAAL: Den un candela di cas na Oldenzaal Diadomingo un mucha a perde su bida.

Dos otro victima a wordo transporta pa hospital.

Te cu Diadomingo atardi ainda no tabata tin mucho informacion riba identidad di e victimanan.

Ora cu brandweer a yega na e sitio ya caba e vlamnan tabata sali for di e cas den Frederik van Eedenstraat.

Diferente unidad di emergencia a bay na e cas, mientras cu un helicopter di trauma a aterisa cerca.

Awor ta bay wordo investigado kico a causa e candela.

Candela grandi na Harderwijk paga lihe



HARDERWIJK: Diadomingo atardi tabata tin un candela hopi grandi na Harderwijk.

E vlamnan tabata sali for di e dak di e compleho bashi.

Tabata tin hopi huma den aire.

Ta trata di un edificio den Vlietburgweg, cerca di e bario Frankrijk.

E edificio ta propiedad di e com-

pania Aartsen Young Plants.

Afortunadamente no tabata tin hende den e edificio y brandweer a logra paga e candela bastante lihe.

Mey ora despues di e prome melding ya caba e candela a wordo paga y ningun edificio cerca a wordo afecta.

Agente policial herida durante irregularidadnan na IJsselstein



IJSSELSTEIN: Durante irregularidadnan cu a tuma lugar na IJsselstein den fin di siman, un agente policial a resulta herida.

“Horrible y inacceptable”, Alcalde Ester Weststeijn a bisa.

Malhechornan den marduga di Diasabra pa Diadomingo a causa destruccion grandi na e stadhuis di IJsselstein y na Fulcotheater.

Nan tabata protesta contra e plan pa pone un opvang di emergencia

riba e veld di futbol di IJFC.

E bentananan di e lugarnan mencionan tabata kibra, mientras cu nan a pega tape riba e camaranan di vigilancia.

E protesta a cuminsa trankil pero anochi laat e situacion a sali for di man y un agente policial a resulta herida ora cu vuurwerk cu a wordo tira a rementa cerca di su cabes.

Enfermera kita di trabao despues cu a wak con e ta check carter di pashent cu ta bao di urina



HULANDA: Camarnan di seguridad den un cas di cuida a capta un situacion preocupante recientemente.

Na momento cu un muher di edad avansa tabata drumi den in plas di su propio urina, e enfermera en-carga cu su cuida s bay busca y check den su carter.

Esey a pone cu e enfermera a wordo kita di trabao di inmediato.

Despues cu e enfermera a cuminsa cu su trabao nobo den luna di Maart di 2025, tabata tin diferente keho cu tabata dreठा di articulo-nan y placa cu tabata desaparece. Te hasta un tablet a wordo perdi. E dunador di trabao a dicidi di cuminsa un investigacion y a pone un camara scondi y asina a descubri ta kende tabata horta for di e pashentnan.

Noticia Internacional

Kizas awor su bista ta riba Cuba...

Trump a declara den carta cu hostilidadnan cu a start contra Iran 'a termina'



WASHINGTON: President Donald Trump di Merca a manda un carta riba Diabierna pa lidernan di Congreso, unda e ta indica cu e 'hostilidadnan' cu a start dia 28 di Februari a finaliza cu e acuerdo di paro di fuego cu a ser acorda entre Washington y Tehran. "Dia 7 di April 2026 mi a ordena un paro de fuego di dos siman. For di e dia ey, e paro di fuego a wordo pro-

longa. No tabatin intercambio di tiro entre Forzanan Mericano y Iran desde 7 di April 2026. E hostilidadnan cu a cuminsa dia 28 di Februari 2026 a finaliza," ta poni den e texto, cu CNN a haya acceso na dje, y den cual Gobierno ta sigura di lo mantene Congreso informa "di conformidad cu e Resolucion riba Podernan Belico".

No obstante, Trump a

adverti cu e menaza di Iran "ta sigui di ta significante", pa cual Departamento di Defensa lo sigui ta ahusta su movimiento militar "tanten cu e ta necesario y apropiado".

El a bisa cla, di no ta planeando un retiro completo di e region. "Iran no ta avanzando cu e tipo di acuerdo cu nos mester tin. Nos ta bay haci pa esaki wordo resolvi correctamente. Nos no ta bay trempa y despues tin e problema aki bek den 3 aña," el a indica.

Den fin di siman, Trump a adverti tambe cu kizas awor cu ta stop cu Iran, e lo dirigi su atencion riba Cuba.

Ta conoci cu ya caba Washington ta eherce mas presion economico riba Havana, door di expande sancionnan, pa purba di kibra su relacionnan strategico cu China y Rusia.



YUDANDO 10 MIL PASAHERO STAGNA CU SPIRIT



BOGOTA: E hecho cu Spirit Airlines a stop di funciona riba Diasabra, a trece dolor di cabes inmenso pa 10.000 pasahero cu a keda stagna awor na Colombia. Mesora e oficialnan di aviacion civil, esta 'Aeronautica Civil de Colombia' (Aerocivil) a lanza un plan di contingencia pa atende e asunto aki. Segun calculo, e 10.000 pasaheronan aki ta stagna na Bogota, Medellin, Cali, Cartagena, Barranquilla, Pereira, y Bucaramanga. Sin conta e miles di pasahero tambe cu a keda stagna awor na Merca cu dificultad pa regresa Colombia. Nan sa cu Spirit Airlines a notifica e pasaheronan afecta via email riba opcion di haya placa bek, e.o. cu pagonan haci via Credit Card of Debit Card lo wordo debolbi via e carhi original. Pero no a bisa ta con hopi e pagonan aki lo wordo haci bek. Tambe ta conoci cu Asociacion internacional IATA a contact otro aerolineanan pa check si nan por tin alternativa pa apoya e pasaheronan aki, pasobra aworaki ningun otro aerolinea lo no acepta pasashi di Spirit. Toch tin aerolinea cu ta dispuesto pa haci esaki un tiki limita, y otronan lo ofrece un pasashi na prijs reduci, tanten cu tin espacio den nan avionnan. A haya sa cu Avianca a anuncia un plan di proteccion voluntario pa ofrece asiento sin costo na e pasaheronan cu tin pasashi cu Spirit entre 2 y 16 di Mei, mientras cu LATAM Airlines a indica cu nan lo bay traha riba un oferta similar pa amplia e capacidad di transporte. Spirit tin su sede na Florida, y ta bulando pa hopi pais den Caribe, Centro America, y Sur America.

GARA MUHE HORTANDO CREDIT CARDS DI TURISTA

MEDELLIN: Un ex-influencer na Colombia, pero naci na Venezuela y conoci como 'Valentina Mor', a



wordo deteni Diasabra pasobra a bin descubri cu e ta vincula na casonan di ladronia di Credit Cards di turistanan di exterior na Medellin. E detencion a tuma lugar na Medellin durante un operacion di control, despues cu a dreña denuncianan relaciona cu compran irregular cu ta aparece riba account di e turistanan. E companianan di Credit Cards a track e compran aki, y manda informacion pa autoridad. Polis na Medellin a cuminsa track e caso, y a bin haya sa cu e muhe Valentina Mor aki a uza Credit Cards di e turistanan, pa haci varios compra y transaccion, y na final a haci e accountnan full bashi. E muhe ta deteni pa asina nan por interrog'e, mientras cu autoridad hudicial ta compilando informacion, cu tur data di e historia di transaccion, pa asina por sigui cu un proceso penal contra e muhe ex-influencer aki, cu tin accent di paisa.

Varios empleado di pacus Brasileño a frustra atraco uzando machete

BELEM: Un caso serio a keda registra Diahuebs siman pasa na Brasil, ora cu un atraco riba un pacus na municipio Anajás na e archipelago di Marajo, a wordo stroba door di reaccion rapido di e empleadonan.

E caso a socede atardi ora cu dos homber cu arma di candela den man, a dreña e pacus cu ta bende variedad di producto. Cu arma den man, nan a anuncia cu ta atraco. E trahadornan tur na careda a aleha di e entrada y bay patras. Un di e atracadornan a bay na e balie di cashiennan, y a cuminsa rek man pa coy tur placa for di e cahanan. E momento ey e tabata lomba pa e lobby di entrada.

A resulta cu e trahadornan tur a bay patras den e seccion di hardineria, y cada uno a pasa man pa un herment yama 'terçado', cu ta un herment similar cu machete. Y nan a regresa bek parti dilanti. Un di e trahadornan cu hopi balentia, a bay riba e atracado cu e momento ey ta di lomba ta rek man pa saca placa di cada cashier. E trahador cu forza a zwaai e machete y a corta y crea un herida mahos na e braza robez di e victima. E victima a laga laga placa y arma cay, y cu dolor inmenso a core bay pafo.

Su complice a keda den e negoshi, y e ora ey varios empleado cu machete den man a bin domina e persona aki, y a stroba cu e ta huy.

Polis a bisa cu tur dos sospechoso a resulta herida, y uno di nan cu herida basta grave




na su braza, cu tin di haya cirugia pa evita cu e ta perde e braza. Mientras tanto habitanen tur ta apoyando e trahadornan aki cu a haci nan best pa yuda stop crimen.

Noticia Internacional

Investigacion forensico mustrando riba veneno...

A resulta cu comemento di patia no ta loke a mata henter un famia na India

MUMBAI: Diasabra siman pasa, e comerciante local Abdullah Dokadia di 45 años di edad, hunto cu su casa Nasreen di 35 años y nan yiu-nan Zainab di 13 años y Ayesha di 16 años, a tene un cena na nan cas na Pydhonie unda nan a invita cinco miembro di famia, y a sirbi cuminda Mutton Pulao pa nan. Despues cu e miembronan di famia a bandona cas, e famia a bay sinta y combersa y como cu nan a bolbe sinti hamber, nan a dicidi na corta y come un patia banda di 1:00 am. E patia a wordo cumpra e atardi ey na un Bazar. Par di ora despues, alrededor di 5:00 am, tur cuatro a bira malo. Tur tabatin mesun sintoma, esta sacamento y diarea, cu ta indica cu ta trata aki di shiwatamento.



El a yama Docter, y a duna nan remedi. E tata y yiu muhe mas grandi a bebe nan. Pero su casa y yiu mas chikito tabata hopi peor e ora ey. Ora cu nan condicion a sigui deteriora, a yama nan bisiña cu ta un Docter Qureshi. Pero ora cu el a yega, ya condicion cu nan tur a empeora. El a purba na duna Zainab CPR pasobra e tabatin dificultad

pa hala rosea, y e ora a core hiba tur pa Hospital.

Na Hospital, e prome cu a muri tabata Zainab. Despues e señora a fayece. Ora solo tabata saliendo, tur cuatro a fayece. Prome cu el a muri, e tata Abdullah a relata Polis kico a socede y cu nan a come patia y despues a bira malo.

Ora cu e noticia aki a plama, ainda investigacion no a desaroya completo pero ta monoton di hende na India e mainta ey y tambe Diadomingo a stop di cumpra patia. Hasta prijs di patia a cumenza cay drasticamente.

A dicidi na practica autopsia riba tur cuatro persona, pa examina e situacion. A hasta check di unda e patia a wordo cumpra, y di unda el a bin. A interroga varios rebendedor di patia y distribuidornan.

E prome detayenan forensico, ta indica cu algun organo di e victimanan, incluyendo e cerebro, curason, y intestinonan a cambia di color y a bira berde den nan curpa. E descubrimiento di esaki, hunto cu sintomanan no ta cuadra cu casonan rutinario di shiwatamento. Pues nan no ta kere cu e patia cu nan a come tin algo di haber cu morto di henter e famia aki, pero tin di warda ainda riba confirmacion cientifico.

Pero den curpa di Abdullah a bin haya morphine, cu ta un remedi potente contra dolor. Esaki ta pone cu awor investigadornan a cumenza check, cu kizas ta veneno lo por a mata tur cuatro persona.

Lo tin di mira ki mas descubrimiento lo haci e siman nobo aki den e caso tristo.

Retiro di Emiratonan Arabe lo por sali beneficioso pa crudo di Venezuela



CARACAS: Siman pasa, e pais Emiratonan Arabe Uni a anuncia cu debi na e guerra den region, nan lo bay sali for di e Organizacion OPEC. E salida di nan for di OPEC lo bay rekeri aprobacion di 3/4 di e miembronan, ademas di e voto concurente di e cinco fundadornan (Venezuela, Iraq, Iran, Kuwait, y Arabia Saudita).

E ex-Vice Ministro di Energia y Minas y ex-consehero di OPEC, esta Dolores Dobarro, a indica cu e ta kere cu e salida di Emiratonan Arabe Uni for di e organizacion, lo por impulsa e pensamiento cu

paisnan e ora lo bay acudi mas frecuentemente na Venezuela pa por haya crudo.

"E ta bay habri hopi porta, y mundo lo bolbe cumenza mira Venezuela, si tuma na cuenta cu un di e cosnan di influencia di OPEC no ta djis e mercado.... sino e porcentahe di reserva cu e organizacion tin, y di e porcentahe grandi aki, tanto Arabia Saudita y Venezuela ta den e prome lugarnan," el a indica.

E salida di Emiratonan Arabe Uni lo por socede te dia 1 di Januari 2027, debi cu den statuut di OPEC esey ta wordo stipula.

NOTICIA FOR DI VENEZUELA

PROTESTANAN PA SALARIO A SIGUI DEN WEEKEND

VALENCIA: Riba Diahuebs, president interino Delcy Rodriguez a anuncia un ahuste di e 'salario minimo



integral' na \$240 pa luna, sin duna detaye na ki parti e ta coresponde na e salario basico, y cuanto ta di bonus, manteniendo asina e opacidad di e schedule salarial.

Varios informe a circula cu e aumento ta basa su mes principalmente riba pagonan di bonus, manera e bonus di guerra economico y alimentacion, cu ta encera cu e no tin nada di haber cu prestacionnan social, vakantie, of otro beneficiacion laboral, aunke Gobierno kier pint'e como un "mehoramento di entrada". E anuncio di President interino ta wordo haci den e contexto cu e salario minimo oficial ainda ta wanta na 130 Bolivares desde Maart 2022, cu actualmente ta igual cu \$0,27 mensual, un cifra cu ta refleha e devaluacion brutal cu Bolivar a pasa aden. E canasta basico familiar na Venezuela tin un balor di 703,11 Dollar pa luna. Esey ta placa cu mayoria trahador no pensionado no tin.

CACEROLAZO CONTRA E MISERABEL SALARIO

BARINAS: Un grupo di trahador di diferente sector di administracion publico, a tene un batimento di weya



conoci como 'cacerolazo' na Venezuela. Esaki tabata 8:00 pm riba Diabierna 1 di Mei, riba calle Cedeño y avenida Chupa Chupa na Barinas.

Nan protesta ta contra e politica salarial aplica pa e gobierno di president interino Delcy Rodriguez, ora cu el a anuncia un aumento di salario di forma integral. Sindicalistanan tambe a uni na e cacerolazo, pa asina exige Delcy pa e haci miho. Habitantenan di Barinas tambe a kere cu e salario minimo lo a bay por lo menos casi igual cu e canasta basico, y cu Artículo 91 di Constitucion. Cu Gobierno ta atacha e aumento solamente na bonus, ta "un burla" na e clase trahador.

TRAHADORNAN DI ZULIA TA BIRANDO MAS POBER

MARACAIBO: Riba 1 di Mei, trahadornan di companianan priva, hunto cu representante di varios institu-



cion publico, cu Sindicato y partidonan politico a participa den un marcha convoca pa forza laboral di estado Zulia, cu e

meta pa pidi gobierno di Venezuela pa duna aumenton salarial real cu ta cuadra cu e costo di bida. Den area historico di Maracaibo, nan a start di trempan caba unda mas di 300 trahador a subi caya pa protesta contra e decisionnan haci door di president interino Delcy Rodriguez, pasobra e aumento di salario minimo a wordo haci no riba e salario, sino riba bonus. Pues nan ta furioso cu Gobierno no a considera e aumento di salario base cu tin incidencia riba e beneficio di prestacionnan social y vakantie. Nan a declara cu trahadornan ta birando mas pover y pasando den dificultad.

Segun Parlamentario Endy Croes:

HOFA lo ta manera "Hotel California"

Un ley caminda bo por drenta pero nunca lo por sali

ORANJESTAD (AAN): Fraccion di MEP den Parlamento

tin preocupacion grandi y ta preparando un reunion otro

siman cu tur sindicato pa motibo cu no obstante cu mas di 10 mil persona a firma contra ley di Reino HOFA, y cu 13 sindicato cu ta representa mas di 10 mil empleado a protesta contra HOFA, y no obstante cu profesor di Hulanda a spli-ca ya for di algun tempo caba, cu e ley di Reino aki ta contra constitucion di nos pais, Gobierno AVP-Futuro a dal bay cu e ley aki toch, segun e Parlamentario Endy Croes.



El a bisa cu dia 6 di maart ultimo, Gobierno a bolbe duna

bendicion pa manda e ley di Reino actual pa Raad van State y unabes cu Raad van State keda cla, e ley di Reino ta wordo trata den tweede kamer na Hulanda. Parlamentario Croes a bisa cu ora cu e ley keda fiho, no lo tin salida mas. El a compar'e cu 'Hotel California' remarcando cu Aruba lo drenta un avenida cu nunca mas nos lo sali di dje. "Fraccion di MEP ta lamenta esaki masha hopi. A logra baha e ley di Reino COHO for di mesa. Y e 20 puntonan cu gobierno anterior a logra haci 'onderlinge regeling', e gobierno actual a hinca nan for di porta patras hunto cu Hulanda den e ley di Reino HOFA", e parlamentario a remarca. Segun e parlamentario, pa logra sali for di e ley di Reino aki, ta bay ta un martirio. Parlamentarionan di AVP, menos Mike de Meza, ta pro e ley. Y Futuro completo ta na fabor tambe. Tur 8 parlamentario di Fraccion di MEP ta contra e ley, PPA tambe ta contra e ley, y Parlamentario de Meza tambe a expresa publicamente cu e ta contra e ley HOFA.

"Nos ta falta un of dos parlamentario balente ainda pa nos por frena esaki. Mi no ta kere cu e lucha sagrado di nos Status Aparte di señor Betico Croes (dfm) y di henter e pueblo cu e tempo ey a sostene e vision aki, unda cu a pasa un caminda di cruz pa por a convence Hulanda, pa awe nos tin nos propio Parlamento, nos propio Consejo di Minister, nos propio florin, nos himno y bandera, nos Banco Central, nos Raad van Advies, nos Contraloria General, entre otro, y awo kier entrega parti di e bunita lucha aki bek den man di Hulanda y aya nan ta bay dicidi kico nos ta bay haci na Aruba. Nos no ta bay acepta esaki", el a enfatisa. Parlamentario Croes a menciona cu sigur luna di mei aki lo ta un luna decisivo hunto cu tur cu kier para fuerte pa nos autonomia. "Movimiento Electoral lo trek y guia e proceso aki tambe pa salvaguardia nos autonomia", el a bisa.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com



Lagrima y flornan por seca,
su recuerdonan y tur loke el a
haci y significa pa nos, lo
keda grava p semper den nos
mente y curason. "Cerca Dios
mi alma ta na paz, ta di DJ'E
mi salvacion ta bin." - Salmo
62:1

Cu dolor y tristesa na nos
curason, nos ta anuncia e
fayecimento di nos respetable
mama, suegra, wela, bisawela,
ruman y tia stima:

Sra. Mavalda Croes

Cariñosamente yama Mama of Oma, pa su nietonan.

Mavalda a biba un bunita bida yena di amor y alegria mientras cu e la wak su nietonan crese.

Awo, Mavalda ta descansa na paz, sin sufrimento den brasa di su Señor den shelo y sigur sin falta, ta reuni cu su yiu homber stima.

Su luz lo keda cu nos pa semper den curason di esnan cu a conoce y stime.

Na edad di 87 año

Na number di su:

Yiunan: Alexis Luidens

† Gerald Luidens y Sanju Luidens

Rumannan: † Elva Croes y famia

† Ilene Croes

† Edwin y Ana Croes y famia

† Alida y † Gregorio Falconi y famia

Mildred y † Efrain de Kort y famia

Nietonan: Kyle y Savannah Luidens

Sabrina y Luis Mejia

Shazia Luidens y Rene Thijzen

Vijay Luidens y Tiahna Croes

Anjilina Luidens

Mama si su nietonan:

Marcia Saladin y Joaquin Gonzalez

Bisanietonan: Mila Mejia

Kyan Mejia

Alea Mejia

River Luidens

Remi Luidens

Subrina y Sobrino nan:

Ghislaine De Kort

Tiziana Mora

Giovani Capriles

Eleonor, Merilee y Alvair Croes

Renzino y Gregory Falconi

Un danki special na Dr. Van Trigt y na Fundacion Cas di mi Chepa

Demas famia y amistadnan: Croes, Luidens, Saladin, Mejia, De Kort, Henriquez

Acto di despedida ta diaranson, dia 6 di Mei 2026 di

7or pa 9or di anochi na Aurora Funeral Home.


Cremacion lo tuma lugar den seno familiar.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Señor ta mi wardador,
mi'n tin falta di nada.
Den cunucu di yerba berde e ta
ponemi sosega.
E ta hibami na awa trankil,
pa mi bolbe haya forsa".
- Salmo: 23

Cu inmenso tristesa den nos curason,
pero conforme cu boluntad di Dios, y
agradecido pa su bida y amor,
nos ta anuncia fayecimento di nos
kerido esposo, tata, welo y bisawelo:



Francisco Tromp

2 December 1937 - † 27 April 2026

Mihor conosi como Chico di Braula of Chico di Sun Kong

Na number di su:

Casa: Martina Tromp-Werleman

Yiunan: Gloria Tromp

Humphrey Tromp

Marisella Tromp

Nietonan: Egimar Lampe, Egianira Lampe, Gilmer Lampe y Randy Mark Helgers

Bisanietonan: Anabella, Jézion, Aliah, Kaelix, Nowie y Haider

Rumannan: Lorenzo Tromp y famia

† Antonia Zee y famia

† Aminta Wever y famia

† Estevan (Steve) Tromp

Sobrinonan: Judella Tromp, Judith Barret y Elisabeth

Tromp, Andy y Michael Wever y nan famia

Sua y Cuñanan:

Wim Werleman y famia

Nicolina (Corinne y Freddy) Koolman y famia

Lucia y Dolf Ruiz y famia

Susana Werleman y Alex famia

Pangracia Werleman y yiu Ricky Semeleer

† Petra (Chichi) Geerman y famia

† Rosalinda Werleman y famia

† Greta Sweetnam-Werleman

Primo y primanan, ihanan, amigonan,

bisiñanan, conocirnan, verpleegsternan di Wit Gele Kruis, di Wonden Poli y personal di Lite Life, Dr. Mikeo Martis,

Demas famia: Tromp, Werleman, Lampe, Helgers

Fernandez, Ruiz, Wever, Zee, Barret, Koolman, Geerman,

Semeleer, Noguera, Davelaar, Besselink, Maduro, Irausquin

Acto di despedida lo tuma luga diamars 5 mei 2026 na Aurora Funeral Home di 2:00 pm pa 4:00 pm despues lo sali pa hiba na lugar di descanso na Santa di Noord

Nos disculpa si den nos momento di tristesa nos por a lubida un ser keri.

Pa chica Pos - Habri tubería y wc.
Servicio lihe y confiabel.
 Experiencia ta manda
CICLONE
 Septic Tank Service
Tel: 564-0607 / 734-0607

TA FURA
ELMA UPHOLSTERY
 Matras, box busca mainta y
 haye atardi! Set di sala, tv
 chair, sienta auto.
Tel: 565-5577
 Macapruimstraat # 1L

PROBLEMA CU BO CAS
 Yama awor! Nos ta yudabo
 painting, roofing, carpentry,
 maintenance, welding.
 Tel: 742-7701
 Professional na bo servicio.

TA CHAPI
TIRA SUSHI AFO
TRANSPORTE
DE CARGA
Tel: 594-5115

CONSTRUCCION
REMODELACION
 Nos ta traha y drecha tur sorto
 di dak: shingle, eterniet, panchi,
 zink. Pega bloki, tegels, plafond,
 pleister, pone porta, lanta cura,
 basha vloer, construcccion di cas
 y apto bon prijs. Free quotation.
Tel: 561-2137

NOS TA DRECHA
 Frigidaire,
 wasmachine, dryer,
 airco, cooler.
Tel: 566-4366

TA CHAPI
 Corta mata.
 Ta tira sushi afo. Nos
 ta hardineria completo
 na super bon prijs.
Tel: 569-8003

TA CUMPRA
 * Holoshi antigua y
 moderno.
 * Articulanon antigua.
Tel: 744-9995

PROMASTER
 Pa laba tapijt, sofa,
 tur matras.
 99% desinfecta.
Tel: 582-0383 / 593-3538
 Leslie Maduro

CONSTRUCTION
 Remodelacion di cas, traha cas,
 apartment, traha y drecha dak,
 verf, pega mosaico, traha cura y
 plomeria na bon prijs.
 Trabao di granipilas y Sheetrock.
Tel: 560-9470 / 747-5527

DIARIO
 Pa noticia, cumpleaños,
 comentario, redaccion:
noticia@diario.aw
Tel: 582-6747

Altocomisario Ramon Arnhem:

'Calidad di bida den centro di Oranjestad ta responsabilidad di nos tur'

ORANJESTAD (AAN): Den cuadro di e recien anuncio cu a instala un Taskforce "Convivencia: Centronan di Ciudad Sigur y Humano", Altocomisario Ramon Arnhem a haci un suplica directo na comunidad pa enfrenta hunto

Cosnan pa drecha paden of rond di cas?
Muraya pa drecha, cas pa verf, etc.
Yama 738-7943
Puntra pa Wester.
Calidad di construcccion.
Bon, confiabel y responsable.

ASSOCIATED REALTORS
TA BENDE
 Un cas na Weg Fontein / San Nicolas di 2 camber y 2 baño, construi 210 m², tereno erfpacht di 725 m² y pa Afl.455.000,00.
 Yama Mito na 593-6318.

JR PLOMERIA Y CONSTRUCCION VBA
 Nos ta haci tur trabao di plomeria grandi y chikito. Lavamanos, wc, lavaplato y ducha.
 jrplomeriaconstruccion@gmail.com • Sero Blanco 29-E
Tel: 580-3259 • 563-4154 • 563-9130


SUSHI
 Nos ta piki sushi tur caminda, lage limpi limpi mane un soño. Pa solamente 50,- pa buelta y Ecotech apart.
 Yama nos na 592-5766 of 561-5179. Arubiano trahado.

DIRECTV
Futbol mundial na caminda, yama awo pa bo DIRECTV.
Bon servicio & bon prijs.
Movies, Sports, News...
Cel: 733-5762.

Chapi, verf, tira sushi
Ecotech, plumbing, construcccion, jardineria, mantencion, handyman.
WHATSAPP: 561-1397

OPORTUNIDAD
 Bo mester di **PLACA?**
 Ta tempo pa bende bo cas of tereno. Consejo **GRATIS** cu JZ Realty. Bini serca nos pa un coffie of thee na O'stad. Yama pa un cita: **297-730-0077**

TIN SERVICIO
 di corta mata grandi y hopi peligroso.
Tel: 592-1277.



e reto di calidad di bida den centro di Playa.

Durante su declaracion, Arnhem a destaca cu e problema actual no ta uno individual, sino un reto comparti cu ta rekeri accion conhunto entre gobierno, institucionnan y comunidad. "Nos tin un problema conhuntamente, y mi ta pidi boso awe pa un yudansa pa trata e problema aki hunto," Arnhem a expresa.

Segun e Altocomisario, e situacion actual den centro di ciudad ta caracteriza pa varios factor cu ta influencia negativamente riba calidad di bida. Entre esakinan, el a menciona falta di limpieza, edificionan bandona den mal estado y presencia di persona vulnerabel sin un luga fiho pa keda, loke ta crea preocupacion tanto riba seguridad como riba e imagen di Oranjestad.

Arnhem a subraya cu e diferente retonan aki no ta existi separa, sino cu nan ta fortalece otro, afectando no solamente e experiencia di bishitantenan, pero mas importante ainda, e bienestar di residentenan. "E ta molestia nos como ciudadano. Nos cu ta biba aki y cu ta contribui na construi Aruba, no merece esaki," Arnhem a indica.

Arnhem a enfatisa cu e impacto ta bira ainda mas relevante mirando cu economia di Aruba ta depende den gran parti riba turismo, pero cu e prioridad principal ta e calidad di bida di su propio pueblo.

Como respuesta, a lanta un enfoque multidisciplinario bao e Taskforce nobo, cu ta integra diferente ministerio y instancia relevante pa atende e problematica di forma estructural.

Entre e accionnan concreto cu lo implementa lo tin: (*) Mas limpieza y mantencion di cayanan. (*) Fortalecimiento di vigilancia y presencia den

centro. (*) Retiro di autonan abandona y situacionnan peligroso. (*) Atencion y orientacion pa persona vulnerabel.

Arnhem a finalisa cu un yamado fuerte pa participacion di comunidad: "Comunidad di Aruba, ban desde awe con-

huntamente haci nos isla mas limpi y mas sigur. Ban hacie."

E Taskforce ta marca un paso importante den e vision di gobierno pa crea un centro di ciudad cu ta mas humano, ordena y digno pa tur.

Columna E Sembrado

Dialuna 4 Mei.

Di cinco siman di Pasco di Resurreccion aña 2026 Ciclo A

Calendario Liturgico

Lectura: Echonan 14, 5-18;

Salmo: 115;

Evangelio: Huan 14, 21-26;

"Duna gloria, no na nos, SEÑOR, no na nos, sino na bo number pa motibo di bo amor y fieldad. Shelo, esey ta di SEÑOR, pero tera El a duna hende." (Salmo 115, 1.16)

Rumannan asina cu nos kier duna gloria nos tin cu para keto un bon rato y pensa ta na ken nos ta of kier duna gloria paso tur honor y gloria mester tin un solo number cu ta Señor Hesucristo paso ken mas cu Hesus merece e gloria. Si no ta na Señor nos ta duna gloria e ora e no tin sentido y ta bira un gloria na un hende mescos cu nos cu no merece. Berdad ora un hende haci bon nos kier dun'e un premio, pero mester percura pa e premio keda algo di hende pa hende y no confundi cu locual ta divino. Ruman Hesus ta invita nos pa stima Señor y stima nos ruman pero pa tur 2 nos tin cu pidi Spirito Santo, e Paraclito, pa yuda nos, p'asina nos no confundi y halsa un ruman of nos mes na haltura di Señor cu ta Doño di shelo y tera. Si no ta pa Señor, unda mi lo ta of ken lo mi ta awe?

Oracion: Mi Señor y mi Dios duna mi e fortaleza y curashi combina cu e otro donnan di Spirito Santo pa mi por duna fruta na abundancia y cumpli cu bo voluntad den mi bida, cu semper semper ta na beneficio di henter Iglesia. Señor den Bo mi ta confia! Amen.

Grupo Centro Pastoral Aruba

SUPERCARD SUPER DEALS



**BEST CINEMA AT
THE BEST PRICES!**

**COMFORT
CLASS**

IMAX

VIP

**Monday
Thursday**

**Friday
Sunday**

9.00 AWG

10.00 AWG

11.00 AWG

12.00 AWG

12.00 AWG

13.00 AWG

Sign up **online** or at any **The Movies** location and **start enjoying great benefits!**

 www.themoviesaruba.com

Despues di un stage exitoso na **Comite Olimpico Arubano**

Joey Francisco a gradua di **Universidad di Aruba** cu tesis di anti-dopahe



ORANJESTAD (AAN): Despues di algun luna di stage na **Comite Olimpico Arubano (COA)**, unda a asisti den tur tema di desaroyo deportivo a traves di e curso “Capacity Building Training” y cu e organizacion di anti-dopahe (**ARUNADO**), hoben profesional **Joey Francisco** a logra gradua di **Organization, Governance & Mananagement Studies**”

(**OGM**) na universidad di Aruba.

Joey a entrega un tesis cu e titulo “A Qualitative Study on the Perceived Effectiveness of Anti-Doping Education, Research, and Compliance in Aruba”, unda a investiga e efectividad di Aruba su iniciativanan di anti-dopahe bou di educacion, cumplimento di regla y investigacion segun e percepcion di atle-

tanan, personal di sosten pa atleta (**ASP**) y representantenan di organizacion deportivo.

Tur esnan di **Comite Olimpico Arubano** ta felicita Joey cu e tremendo logro aki, y ta gradici su esfuerso di kier investiga un tema asina importante pa e mundo di deporte, pa bien Joey. Aki por mira e alegria ora cu el a gradua.



SEE EVERY MATCH, IN FULL DEFINITION.

IT'S
GAME ON
AT AMC UNICON

SAVE AWG 501

2
YEAR
WARRANTY



98"4K

TCL GOOGLE
QLED SMART TV
FLAT 98P8K-A

NOW
AWG **2799.00**

AWG.272 MTHLY
WAS AWG 3299.99

SAVE AWG 401



2
YEAR
WARRANTY

75"4K

TCL GOOGLE
QLED
SMART TV FLAT
75P8KA-A

NOW
AWG **1499.00**

AWG.152 MTHLY
WAS AWG.1899.99

SAVE AWG 201



2
YEAR
WARRANTY

65"4K

TCL GOOGLE QLED
SMART TV FLAT 65P8KA

NOW AWG **1099.00**

AWG.107 MTHLY
WAS AWG.1299.99

SAVE AWG 401



2
YEAR
WARRANTY


75"4K

SAMSUNG
LED
SMART TV FLAT
UN75U8000FPXPA

NOW
AWG **1799.00**

AWG.179 MTHLY
WAS AWG.2199.99

SAVE AWG 351



2
YEAR
WARRANTY

58"4K

SAMSUNG
UHD
SMART TV FLAT
UN58U8000FPXPA

NOW
AWG **999.00**

AWG.109 MTHLY
WAS AWG.1349.99

SAVE AWG 201



2
YEAR
WARRANTY

50"4K

SAMSUNG LED SMART TV
FLAT UN50U8000FFXZA

NOW AWG **899.00**

AWG.89 MTHLY
WAS AWG.1099.99

SAVE AWG 101



LG 2.1 CHANNEL
SOUND BAR S40TDPANLLK

NOW AWG **449.00**

AWG.45 MTHLY
WAS AWG 549.99

SAVE AWG 81



LG
PORTABLE XBOOM SPEAKER
BOUNCE

NOW AWG **319.00**

AWG.32 MTHLY
WAS AWG 399.99

SAVE AWG 301



JBL
PARTY BOX 520
3120FA

NOW
AWG **1199.00**

AWG.120 MTHLY
WAS AWG 1499.99

**2 FREE INSTALLMENTS
AND FREE DELIVERY
WITH CREDIT PURCHASE**

PROMOTION VALID MAY 1ST - 31ST, 2026. CONDITIONS APPLY.



569-2407
AMC EAGLE MEGASTORE

HORARIO: 9am - 6pm DIALUNA PA DIASABRA



Prome 3 palo di luz a wordo instala na Piscina Olimpico Roly Bisslik



ORANJESTAD (AAN): E tabata un anhelo di hopi tempo
caba, desde cu Piscina Olimpico Roly Bisslik na Savaneta ta
den funcion. E deseo pa haya palonan di luz cu lo por ilumina
henter e parti interior di e facilidad aki.

Instalacion di luznan na un piscina ta esencial pa mehora
siguridad, mehora calidad di training, y sigura cu ta cumpli
cu standardnan di salud y safety. Aunke iluminacion bao awa
por tin su atraccion estetico, toch luznan grandi di halto ta
suministra e iluminacion necesario pa visibilidad mihor den
henter e piscina.

Den fin di siman, gruanan a yega pa asina hisa e palonan
di luz cu ta bay ilumina e Piscina Olimpico di awor en ad-
elante.

E potretnan aki pa cortesia di Ministerio di Deporte di Min-
istro Gerlien Croes, ta muestra momento cu Diasabra mainta
a instala e prome 3 palonan di luz na Piscina Olimpico Roly
Bisslik. Unabes nan ta den funcion, e lo bay bira un cambio
pa positivo.

